



**ATASSUT**

**UPA14/129-1**

**Gerhardt Petersen**

**26.03.2014**

**Siunnersuut uunga: Kalaallit Nunaata Aatsitassarsiornermi Aningaasaateqarfia pillugu**

**Inatsisartut inatsisaata allanngortinnissaa pillugu nr. 6 5. december 2008-imeersoq**

**Inatsisartut inatsisaat nr. xx, xx.xxxx-imeersoq.**

(Inuussutissarsiornermut Aatsitassanullu Naalakkersuisoq)

ATASSUT-mit siunnersuut nalilersorluareerlugu aammalu siunnersuut taamatut iluseqarluni akuerineqassagaluarpat kingunissai suusinnaanersut qimerlooreerlugit imaattumik oqaaseqaateqassaagut:

Sunaluunniit siunnersuut, qanorluunniit siunertarissaarluni saqqummiussaagaluartoq, isumaliutigilluagaanngitsoq aammalu kingunissaasinnaasunik misissuilluarsimanermik aallaaveqanngitsoq, Inatsisartunit akuersissutigineqarnermi kingorna ataatsimiititaliani misissorneqareerluni, akuersarneqassasorlu inassutigineqareeraluartoq, kingusinnerusukkut paasinarsippat siunnersuutip akuersarneqarnerata kingunerisassai pitsaanngitsut inuiaqatigiinnut annertuallaartut, tunuarternissamut pissutissaqarlualertarpoq.

Qujanartumik siunnersuutit ikittuaraannaat taamaattut tunngavigalugit Naalakkersuisut suliassinneqartarput inatsissatut siunnersuummik saqqummiussisussanngorlugit, siunnersuut manna taamaattuusoq ATASSUT-mit naliliivugut.

Inuit Ataqtigiit sinnerlugit Inatsisartuni ilaasortap Naaja H. Nathanielsen-ip 2013-mi Inatsisartut ukiakkut ataatsimiinneranni siunnersuutai arlallit aatsitassanut aningaasaateqarfiup inatsisaata allanngortinneqarnissaanik imaqtartut saqqummiunneqarput, taakkulu Naalakkersuisut siuliisa saqqummiussaannit, Inatsisartunullu qinersinerup kingunerisaanik naammassillugit sularineqangitsunik aallaaveqarput.



## ATASSUT INATSIARTUNI

---

ATASSUT-mit erseqqissaatigissavarput aatsitassanut aningaasaateqarfiup ullumikkut ilusaa iluarisimaaratsigu, tassa siunissamut ungasinnerusumut ileqqaarneqassasut, taakkunangali inuiaqatigiit aningaasarsiornikkut ingerlanneqarnerisa patajaallisarneqarnissaanut atuisoqarsinnaassasoq piunasaqaatit sukannersut aqqusaartoqqaarlugit.

Taamatuttaa ATASSUT-mit erseqqissaatigissavarput atortut tigussaasut aningaasaateqarfiup aatsitassarsiornermi isertitatut naatsorsuutigineqannginnissaannik allassimasoqarnissaanik Naaja H. Nathanielsen-ip siunnersuutaa qanoq kinguneqassanersoq nalornissutigatsigu ataatsimiititaliami nalilersorneqarnissaa innersuussutigini kuugatsigu, aappimik naamimilluunniit akinagu.

Taamaamat siunnersuummi matumani, mianersoqqussutinik ulikkaartut paasisatsinni Naalakkersuisut unneqqarillutik kingunissaasut pillugit misissuineramik kingorna ersersitsipput siunnersuut manna akuersarneqassappat allaat aatsitassanut aningaasaateqarfik aatsangaannalissasoq, tamannalu ATASSUT-mit peqataaffigerusunngilarput.

Naalakkersuisut qujaffigissavagut inatsisitigut inuiaqatigiinnut iluaqutaanngitsumik alloriartoqarnissaa pinngitsoortinniarlugu ersarissumik kingunissaasut pillugit nassuiaateqarmata.

Taamatut oqaaseqaateqarluta ATASSUT-mit siunnersuut taamatut iluseqarluni itigartinneqassasoq inassutigissavarput.